



庚辛泣杭錄卷五

孫樹禮義烈墓錄

恩綸

同治五年九月二十



上諭左宗棠奏掩埋浙江省殉難無主尸骸五十七

冢名爲義烈遺阡列入浙江祀典遣官致祭卽著

照所請行所有松居庵骨冢隸錢塘縣城西二圖

骨地八畝零仁壽山麓骨冢隸錢塘縣上扇四圖地

二畝零並先後掩埋義冢二十一處隸仁和縣豁

地五畝零錢唐縣豁地七十二畝零應徵錢糧銀

庚辛泣杭錄卷五

米均一例豁免該部知道欽此

二同治七年三月初八日軍機大臣奉

旨馬新貽奏浙省天池寺東白沙塢兩處義冢附入

祀典春秋致祭一摺著照所請該部知道欽此

吳谷園錄

土館空宗業奏


同治五年八月二十

恩綸


海淋縣義烈墓錄

庚辛泣杭錄卷五

北山義烈遺阡圖




南山義烈遺阡圖



庚辛泣杭錄卷五

一一

天池寺義烈墓圖



庚辛泣杭錄卷五

象山洞義烈墓圖



南北山義烈遺阡一在清波門外淨慈寺左松居庵

地隸錢塘城西二圖凡三十六大冢一在錢塘門外

岳王廟右仁壽山麓隸錢塘上扇四圖葬二十一大

冢當咸豐辛酉粵逆再犯杭城官紳固守效死弗去

日久糧絕道殣相望城陷猶巷戰不已屠戮之慘幾

無子遺迨巡撫左宗棠督師入浙克復會垣白骨尚

累累然填塞衢巷乃與布政使蔣益澧商諸紳士雇

夫收檢彙葬南北兩山計城西莊地八畝七分五釐

上扇莊地二畝四分四釐五毫八絲三忽并先後掩

庚辛泣杭錄卷五

四

埋殉難義冢二十一處隸仁和縣地五畝零錢塘縣

地七十二畝零應徵錢糧銀米一律懇

恩蠲免其叢葬處名曰義烈遺阡奉

旨列入祀典春秋遣官致祭

光緒杭
州府志

同治三年巡撫左公收城鄉暴骨數十萬具分葬大

冢於岳王廟右里許及淨慈寺左數十武地繚以粉

垣兩阡表之江干湖墅則就近掩埋之

平浙
紀略

天池寺義烈墓在錢塘定北四圖同治二年春蔣益

澧統師由富陽克復省垣時暴骨徧野經官紳士民

捐資收買骨殖六千四百二十六觔即在天池寺東

叢葬巨冢七年二月巡撫馬新貽附片

奏請

恩准將天池寺山場及白沙塢兩處義烈冢墓附入
祀典建祠春秋致祭嗣因祠宇孤立失修移同善堂

救生局至祠經管光緒杭
州府志

泉山洞義烈墓在錢塘安吉二區河埠白沙塢咸豐
十年居民避寇洞內監生駱儒宗捐資募勇扼險擊
賊賊怒積薪洞口日夕薰灼計大小男女三千餘人
同時罹禍經縣丞程鍾瑞雇夫檢骨合葬一冢同治
七年巡撫馬新貽附天池寺案

庚辛泣杭錄卷五

五

奏請

恩准列入祀典旋經布政使楊昌濬委員就天池寺

泉山洞各建祠宇春秋致祭光緒杭
州府志

公牘

義烈遺阡及殉難義塚列祀豁糧奏咨行知照

會

浙總督部堂一等恪靖伯左

咨送事竊照本爵部堂於本年七月二十日會

同

貴部院附片具

奏浙省前遭髮逆竄踞罹難之官紳兵民男婦無
主屍骸掩埋義塚請

旨列入浙江祀典春秋遣官致祭並蠲免山地錢糧
一片除俟奉到

硃批另錄咨明外所有會稿相應咨送爲此合咨

貴部院請煩查照希將存稿備案回稿書

奏蓋印移還施行須至咨者

右

咨

浙江巡撫部院馬

同治五年七月

日

庚辛泣杭錄卷五

六

浙江巡撫部院馬

爲

行知事本年八月二十一日准

爵督部堂左 咨開本年七月二十日會同附

片具

奏浙省前遭髮逆竄踞罹難之官紳兵民男婦無

主屍骸掩埋義塚請

旨列入浙江祀典春秋遣官致祭並蠲免山地錢糧

一片會稿咨送查照等因到本部院准此合行

鈔片飭知爲此仰司官吏卽便移行知照毋違

特札

右仰布政使准此

同治五年九月

浙江等處承宣布政使司蔣

為

咨會事本年九月初二日奉

撫憲馬札開本年八月二十三日准

爵督部堂左日咨開本年七月二十日會同附

片具

奏浙省前遭髮逆竄踞罹難之官紳兵民男婦無

主屍骸掩埋義塚請

旨列入浙江祀典春秋遣官致祭並蠲免山地錢糧

一片會稿咨送查照等因到本部院准此鈔片

庚辛泣杭錄卷五

七

行知一體移行知照等因奉此合行鈔片咨會

貴局請煩查照施行須至咨者

貴局請煩查照施行須至咨者

浙江善後總局

浙江善後總局

同治五年九月

浙江善後總局

照會事案准本年九月十二日准

藩司衙門咨開本年九月初二日奉

撫憲馬

行知本年八月二十三日准

爵督部堂左 咨開本年七月二十日會同附片具

奏浙省前遭髮逆竄踞罹難之官紳兵民男婦無主屍骸掩埋義塚請

旨列入浙江祀典春秋遣官致祭並蠲免山地錢糧一片會稿咨送查照等因到本部院准此鈔片行司一體移行知照等因到局准此合行照會爲此照會

貴紳董請煩查照施行須至照會者

右 照 會

庚辛泣杭錄卷五

八

省城善堂辦理掩埋紳董

同治五年九月 日

計粘鈔片

再浙江省城前遭髮逆竄踞官紳兵勇男婦大小慘罹凶難死者以數十萬計官軍入城屍骸枕藉當飭辦理善後在藉道員胡光墉等尅日收斂其無主之全具屍骸均備棺掩埋義山此外累累白骨徧地縱橫經胡光墉各紳士等廣雇民夫陸續收檢於西湖南北兩山擇地分造大塚計南山松居庵收瘞三十六大塚北山仁

皇曰壽山麓地方收瘞二十一大塚均甃石封築前
樹石碣四面繚垣門中建亭立碑工竣繪圖稟
報前來臣惟浙省陣亡員弁有昭忠祠致祭殉
難官紳士庶有崇義祠致祭卽歲時厲壇之祭
地方有司亦屆時奠醢以妥游魂因思杭城克
復烈魄忠骸無從尋覓者已併瘞此五十七塚
之中而墓門春草竟無土塚之人湖畔秋風誰
憫若敖之鬼正恐兩穿曠多長爲狐鼠深巢空
目恨憐牧笛樵歌莫辨蟲沙遺蹟應請上援昭忠崇
義之例下准春秋祀孤之義將杭州西湖南北

庚辛泣杭錄卷五

九

兩山瘞骨五十七塚名爲義烈遺阡請

旨列入浙江祀典春秋遣官致祭以垂久遠所有松

居庵骨塚隸錢塘縣城西二圖計丈實地八畝

七分五釐仁壽山麓骨塚隸錢塘縣上扇四圖

計丈實地二畝四分四釐五毫八絲三忽並先

後掩埋義塚二十一處計仁和縣轄地五畝七

分三釐三毫三絲三忽錢塘縣轄地七十二畝

六分四釐七毫三絲一併懇

恩蠲免應徵錢糧銀米著爲定章以廣

皇仁而資遵守謹會同浙江撫臣馬新貽附片具

奏伏乞

聖鑒施行謹
此同日奉院同錄正平六月二十日內

奏

浙江善後總局
續無全員趨備收入賑典一爲

旨
照會事案准本年正月二十五日准

藩司衙門咨開本年正月二十二日奉

撫憲馬
行知上年十二月二十七日准

調補陝甘總督部堂左
咨咨開同治五年七月

旨
限二十日在閩浙總督任內專摺具

奏浙江省城建立楚湘忠義祠合祀陣亡員弁士

庚辛泣杭錄卷五

十

奏卒請

旨列入浙江祀典春秋致祭以安忠魂一摺今於同

治五年十二月十六日在延平府行次差弁賈

回原摺後開

軍機大臣奉

旨另有旨欽此又附

奏掩埋浙江省殉難無主屍骸請列入祀典一片

奏軍機大臣奉

旨另有旨欽此同日奉到同治五年九月二十日內

閣奉

上諭左宗棠奏請在浙江省城建立楚湘忠義祠一摺浙江省兩次被髮逆竄擾攻陷各府縣城池前經左宗棠統帶所部楚軍及蔣益澧所部湘軍分道攻剿先後克復並分軍赴援安徽江西數載之間大小百餘戰陣亡病故者前後二千五百餘人該將士等慷慨赴敵爲國捐軀允宜建立專祠以彰忠義卽著照左宗棠所請在浙江省城建立楚湘忠義祠列入祀典春秋遣官致祭用垂久遠另片奏掩埋浙江省殉難無主屍骸五十七塚名爲義烈遺阡請列入浙江祀典春秋遣官致祭等語

庚辛泣杭錄卷五

十一

卽著照所請行所有松居庵骨塚錢塘縣城西二圖占地八畝零仁壽山麓骨塚錢塘縣上扇四圖占地二畝零並先後掩埋義塚二十一處計仁和縣轄地五畝零錢塘縣七十二畝零應徵錢糧銀米均著一律蠲免該部知道欽此恭錄咨請欽遵轉飭等因到本部院准此合行飭知爲此仰司官吏卽便移會善後局一體遵行欽遵仍飭將應用祭祀銀兩動支何款及應蠲免銀米若干分別詳辦毋延切速等因到局准此合行恭錄照會爲此照會貴紳董請煩查照施行須至

照會者

右

會

省城善堂辦理掩埋紳董

同治六年二月十七日

天池寺泉山洞兩義塚建祠列祀奏咨札飭

兵部侍郎右副都御史浙江巡撫馬

札知事照得錢塘縣天池寺及泉山洞義塚懇

恩附入祀典春秋致祭緣由本部院於本年二月初

十日附片具

奏合行鈔片札知札到該司立即會同臬司轉行

庚辛泣杭錄卷五

七

遵照毋違特札

計鈔片具

恩附入祀典春秋致祭緣由本部院於本年二月初

同治七年二月十四日

再浙江前遭髮逆竄踞數年官紳兵民男婦人

等慘罹鋒鏑者數不勝計其時自杭州府屬之

富陽縣至省城一百餘里枯骨遍野經湘軍官

兵與士民捐資收埋暴骨六千四百二十五觔

即在錢塘縣定北四圖天池寺東首山場彙葬

一大塚又錢塘縣安吉二圖河埠白沙塢地方

有泉山洞咸豐十年秋賊圍省垣該處居民盡
避洞內迨城陷後有該處監生駱儒宗捐資募
勇扼險守禦與賊相持多日嗣因眾寡不敵被
賊將泉山洞用柴堵塞焚燒洞內大小男婦約
計三千餘名口同時斃命慘禍尤烈亦經委員
雇夫撈出屍骸合葬一塚於白沙塢現據該處
紳士以前督臣左宗棠將西湖南北兩山掩埋
骨塚名爲義烈遺阡奏請列入浙江祀典春秋
遣官致祭今錢塘縣定北四圖天池寺東首山
場及安吉二圖白沙塢兩處收埋骨殖均屬忠

庚辛泣杭錄卷五

三

義遺骸與西湖南北兩山各塚事同一律呈縣
由府詳經藩司楊昌濬核明詳請具
奏前來臣復查無異合無仰懇

天恩俯准將天池寺山場及白沙嶺兩處義塚附入
祀典春秋致祭所需祭品銀兩照昭忠祠之例
每歲在於兵餉截曠項下動支銀八兩發縣領
辦以安幽魂而昭

曠典所有前項義塚葬地無多毋庸豁糧合併陳
明會同兼署閩浙總督臣英翰附片陳請伏乞

聖鑒訓示謹

奏

兵部侍郎右副都御史浙江巡撫李

札知事照得本年五月初七日准

禮部咨開祠祭司案呈內閣鈔出浙江巡撫馬

奏請將浙省被害官紳兵民男婦人等經湘軍官

兵與士民等捐資收埋暴骨併尸骸合葬仰懇

天恩俯准將天池寺東首山場及白沙嶺兩處義塚

附入祀典春秋致祭各等因於同治七年三月

初八日軍機大臣奉

旨著照所請該部知道欽此欽遵各到部相應移咨

庚辛泣杭錄卷五

十四

浙江巡撫遵照可也等因到本部院准此合就

轉行爲此仰該司官吏查照准咨奉

旨事理卽便轉飭遵照辦理毋違特札

同治七年五月十八日

天池寺泉山洞兩義塚請歸同善堂救生局經

理諭

爲

欽加三品銜杭州府正堂陳

諭飭事據錢塘縣縣丞程鍾瑞稟稱天池寺泉

山洞兩處殉難紳民骨塚前經由縣詳奉撥款

建祠春秋致祭在案茲因祠屋孤立乏人棲止
查省城同善堂經理司事往來在天池寺棲息
若令就近以祠作局棲止辦理庶祠屋照管有
人歲修有出與同善堂總董丁紳等熟商意見
相同惟恐無知之徒藉詞阻撓請諭飭同善堂
總董並掩埋董事妥爲經理先將遵辦緣由議
覆至泉山洞祠宇應如何兼管一併籌議稟報
察核通詳立案等情據此查天池寺泉山洞兩
處掩埋殉難紳民骸骨仿照南北兩山義塚入
祀致祭建立祠宇前經請

庚辛泣杭錄卷五

五

奏奉准分飭遵照在案茲據前情除批示外合鈔
稟摺諭飭諭到該紳董等立即會同妥議稟候
核辦勿稍諉延切速特諭

計粘鈔稟

同治九年三月十七日

敬稟者竊照浙省前遭髮逆竄踞數年官紳兵
民男婦女人等慘罹鋒鏑者數不勝計

身職

奉

調軍營前於同治二年八月隨侍

陞任藩憲蔣

統師克復富陽進紫錢邑之九

龍頭圍攻省垣其時縱橫百餘里枯骨遍野慘

不忍視卽經稟請捐資收買旬日之間共得暴露白骨六千四百二十五觔卽在天池寺東首山場彙葬大塚又在白沙嶺地方有泉山洞口小內大避難義民約有三千餘名口省城陷後四面賊蹤有監生駱儒宗等卒眾戰守相持半載迨火藥糧米罄盡被賊堵塞用柴焚燒同時斃命亦經卑職雇夫撈出屍骸卽在洞旁合葬

旨著一塚旋因該二處收葬骨殖均屬義烈遺骸會

經移縣轉詳

憲案聲請發石繚垣建祠列祀當蒙

前陞撫憲馬附片具

奏於同治七年三月初八日軍機大臣奉

旨著照所請該部知道欽此轉行欽遵並蒙

陞任藩憲楊撥款委員吳司獄廷康會同

職在於天池寺泉山洞二處各建義烈祠一所

設牌供奉春秋遣官致祭在案茲因祠屋孤立

山麓風雨交加與天池寺並不相連寺僧無幾

乏人棲止以致逐漸損壞雖經卑職捐廉六十

餘緡大加修整一律完固誠恐無人經管日久

仍須坍塌惟查該處附近之流芳嶺從前向有

同仁義集施捨棺木掩埋暴骨另有錢江救生局常川查察救生瘞死俱係設局辦理兵燹以後兩處局房均已傾圮尙未建復兩項善舉現歸省城同善堂經理司事往來暫在天池寺棲息與其祠屋空閉任其坍塌莫若卽令該司事就近以祠作局棲止辦事庶照管有人歲修有出流傳接管綿長久遠千古不朽洵屬以公濟公卑職與同善堂總董丁紳丙等再四熟商意見相同但不稟明

憲臺恐有無知之徒藉詞阻撓卽該司事等意

庚辛泣杭錄卷五

七

存顧忌亦不敢公然棲止卑職爲籌計善舉以

期久遠起見合鈔奏稿部覆瀝情具稟伏乞

大人垂鑒下情俯賜諭飭同善堂總董江蘇候

補知縣丁紳丙並掩埋董事候選訓導周紳滂

涪等念切桑梓爰爲經理先將遵辦緣由核議

稟覆至泉山洞祠宇應何設法兼請諭飭一併

籌議稟報

察核通詳立案俾祠宇得免傾頽而垂久遠悉

出

恩公兩便則不獨義魄忠魂在九泉感激

奏鴻慈無既矣肅泐稟懇恭請

慈鑒

卑職程鍾瑞

謹呈

善舉董事丁丙掩埋董事周鴻緒敬稟者竊奉

憲臺諭開據錢塘縣丞程鍾瑞稟稱天池寺

泉山洞兩處殉難紳民骨塚前經由縣詳奉撥

款建祠春秋致祭在案茲因祠屋孤立乏人棲

止查省城同善堂經理司事往來在天池寺棲

息若令就近以祠作局棲止辦事庶祠屋照管

有人歲修有出與同善堂總董丁紳等熟商意

見相同惟恐無知之徒藉詞阻撓請諭飭同善

庚辛泣杭錄卷五

七

堂總董並掩埋董事妥爲經理先將遵辦緣由

議覆至泉山洞祠宇應如何兼管一併籌議稟

報察核通詳立案等情據此查天池寺泉山洞

兩處掩埋殉難紳民骸骨仿照南北兩山義塚

入祀致祭建立祠宇前經請

奏奉准分飭遵照在案茲據前情除批示外合鈔

稟摺諭飭諭到該紳董等立即會同妥議稟候

核辦勿稍諉延等因奉此遵卽會詣勘商伏維

天池寺泉山洞殉難義塚旣奉

奏准建祠入祀自應永爲守護查錢江救生局舊

址向在牛坊嶺劫後燬廢上年奉
撫憲飭辦救生局因初行試辦造屋籌費維艱
職等稟請派司事一人暫借天池寺爲瞭望辦
事之處原擬續請建復局所茲既與義塚祠堂
近在咫尺且塚祠基址亦係天池寺產地以之
移作救生掩埋局極爲妥便惟查局內饗堂三
間中設神位理宜靜肅棲止殊形褻瀆祠門三
間中係走路左右平廊二間用實不敷且牆壁
作障不能望江天池寺可借僧廚作爨祠屋並
無廚竈此次既奉飭議垂久之計自應於持久

庚辛泣杭錄卷五

一

之中而仍節費用擬就祠門之二椽平廊各接
出三椽左右牆壁嵌設牕櫺以便瞭望並於牆
外繚垣添蓋竈屋一間逐項估計約須錢一百
八十千文其款擬請於同善堂救生項下開支
歲修錢文亦擬請於救生項下逐修逐報至泉
山洞祠塚該處距天池寺有二十里之遙骨塚
之前止有饗亭一座即使派人亦無棲止惟有
覓就地土人之謹樸者歲給管費一面由救生
局司事隨時前往察看倘有損壞卽行修補並
查塚後土牆悉被水沖刷坍塌現擬壘石爲垣

堂掩埋項下開支等緣由奉批所議尙屬妥協
希鹽運使會同按察使卽飭趕緊照辦工竣繪
圖送查此致等因奉此並據該府具詳到司當
經批示在案今奉前因除移會外合行札飭札
府卽便遵奉
憲批事理速卽趕緊照辦工竣繪圖詳送備查
毋違並奉

運憲批本府詳同前由奉批旣據並詳希候

撫憲暨

藩司
軍需局

批示遵行此繳又奉

藩憲批本府詳同前由奉批如詳辦理仰卽轉

庚辛泣杭錄卷五

三

飭遵照並候

撫憲暨

運司
軍需局

批示繳又奉

臬憲批本府詳同前由奉批如詳辦理仰卽轉

飭知照仍候

撫憲暨

藩司
軍需局

批示繳又奉

軍需局憲批本府詳同前由奉批旣據通詳仰

候

撫憲暨

藩司

衙門批示繳各等因除飭前錢

塘縣縣丞程鍾瑞遵照外合亟鈔詳諭飭諭到

該董事卽便遵照

撫憲批飭迅將天池寺泉山洞兩處應辦事宜
會同趕辦工竣繪圖通送備案事關善舉切勿
稍遲延切切特諭

同治十一年七月十八日

計鈔詳

三品銜杭州府爲轉詳事據錢塘縣丞程鍾瑞
稟稱浙省前遭匪擾錢邑之尤龍頭地方枯骨
縱橫曾經稟請捐資收買共得白骨六千四百
二十五斤卽在天池寺東首山場彙葬大塚又
白沙塢地方有泉山洞口小內大避難義民約

庚辛泣杭錄卷五

三

有三千餘名口破賊堵塞洞口用柴焚燒同時

斃命亦經

卑職

僱夫撈出屍骸卽在洞旁合葬

一塚前經由縣詳奉撥款建祠在案茲因祠屋

孤立乏人棲止查有省城同善堂經理救生局

司事往來在天池寺棲息若令就近以祠作局

棲止辦事庶照管有人經費有出請諭飭同善

堂總董江蘇候補知縣丁紳

丙

並掩埋董事候

選訓導周紳

鴻渚

等妥爲經理將遵辦緣由並

泉山洞如何兼管之處應請一併籌議通詳立

案等情據經

卑府

諭飭去後茲據善舉董事丁

丙掩埋董事周鴻渚會稟錢江救生局向在牛坊嶺劫後燬廢上年奉_憲飭辦救生_職等稟請派司事一人暫借撫憲_職飭辦救生_職等稟請派司事一人暫借天池寺爲瞭望辦事之處原擬續請建復局所茲旣與義塚祠堂近在咫尺以之移作救生局極爲妥便惟查祠內饗堂三間中設神座理宜靜肅祠門三楹中係走路左右平廊二間用實不敷且牆壁作障不能望江祠內向無廚竈此次旣奉飭議垂久之計應於持久之中而仍節費用擬就祠門之二椽平廊接出三椽左右牆

庚辛泣杭錄卷五

三

壁嵌設牕櫺以便瞭望並於牆外添蓋竈屋一間逐項估計約須錢一百八十千文其款擬於同善堂救生項下開支歲修等款亦擬於救生項下逐修逐報至泉山洞祠塚距天池寺有二十里之遙祠內止饗堂一座無可棲止惟有覓就地土人之謹樸者歲給管費一面由救生局司事隨時前往察看並查塚後土牆悉被山水冲坍現擬疊石爲垣以衛塚界其工料佑須錢二十餘千文擬於同善堂掩埋項下開支庶祠塚無虞坍塌等情稟請轉詳據此_{昇府}查天池

寺泉山洞兩處骨塚均屬義烈遺骸前蒙撥款
鑿石繚垣並奉建祠立祀自應設法守護據稟
以救生局移在該祠辦事以便兼管祠塚所添
竈屋暨歲修經費均在同善堂救生項下開支
泉山洞骨塚就地選人給費經管亦由救生局
司事隨時察看現在土牆坍塌先擬修築其經
費錢文並在同善堂掩埋項下開支所議尙屬
妥協理合據情轉詳仰祈

憲臺察核批示祇遵實爲公便除詳

撫憲暨

藩司軍需局憲外爲此備由具申伏乞

庚辛泣杭錄卷五

五

照詳施行須至申者

南北兩山天池寺泉山洞義塚嚴禁告示

欽加三品銜杭州府正堂加三級紀錄十二次陳 爲

出示嚴禁事照得南山松居庵地北山仁壽山
麓及江干天池寺側泉山洞地方均建有

義烈祠後有塚墓奉

旨春秋祭祀理宜加意防護以妥毅魄而安忠骸惟
該祠地當孔道依山面水最易藏奸誠恐流丐
游勇游方僧道強借棲止任意糟蹋并就近無
知愚民積薪寄匱跌錢聚賭以及放牧牛羊攀

折樹枝借端滋事殊干法紀除嚴飭查拿驅逐
外合亟出示諭禁爲此示仰該處地保居民人
等知悉如敢故蹈前轍許該祠司事扭送來轅
以憑發縣或逕稟該縣從重究辦決不姑寬其
各凜遵毋違切切特示
同治十一年八月初八日給
殉難各義塚嚴禁告示

欽加三品銜杭州府正堂加三級紀錄十二次陳爲
恩旨出示嚴禁事照得省垣克復城廂內外各處收
埋殉難骸骨如錢塘縣上扇二圖昌化伯牌樓

庚辛泣杭錄卷五

五

等二十一處皆奉

恩旨豁糧其餘尚有未經豁糧處所由同善堂掩埋
局暫納待豁理宜一律保護以安忠骸誠恐就
近無知愚民牧放牛羊移動碑石斫割茅柴以
及開掘種植蓄志侵佔踐踏損壞任意糟蹋等
情殊干例禁合亟出示諭禁爲此示仰地保莊
首居民人等知悉嗣後如敢故蹈前轍許卽扭
送來轅以憑發縣或逕送該縣儻地保莊首通
同徇隱一經覺察或被告發定卽從重一併究
辦決不寬貸其各凜遵切切毋違特示

同治十一年八月初八日給

區畝

南北兩山義烈遺阡豁糧都圖畝分

一南山清波門外淨慈寺左隸錢塘縣城西二圖

松居庵地八畝七分五釐葬三十六大塚

一北山錢塘門外岳王廟右隸錢塘縣上扇四圖

一仁壽山麓地二畝四分四釐五毫八絲三忽葬

論二十一大塚

以上共地十一畝一分九釐五毫八絲三忽

共葬五十七大塚於同治五年八月二十三

庚辛泣杭錄卷五

三

日奉文行知

杭城兩次殉難義塚二十一處豁糧都圖畝分

錢塘縣

一錢塘門外上扇二圖昌化伯牌樓地一畝九釐

一九毫二絲葬四十三塚

一錢塘門外上扇四圖裏東山衙地一畝四分三

釐七毫五絲葬四十八塚

一錢塘門外上扇二圖紫竹林地一畝六分七釐

三毫四絲葬五十八塚

一錢塘門外上扇四圖西冷橋地五分六釐三毫

- 一七絲葬二十八塚圖地藏殿旁地九分六釐二毫五絲葬六十塚圖地藏殿路北地三畝七分
- 一錢塘門外上扇四圖地藏殿旁地九分六釐二毫五絲葬六十塚圖地藏殿路北地三畝七分
- 一錢塘門外上扇四圖地藏殿路北地三畝七分
- 一五釐四毫葬二百四十五塚圖地
- 一錢塘門外上扇四圖多子塔院旁地一畝八釐
- 一七毫五絲葬六十塚圖地
- 一清波門外城西二圖五嘉地地六分七釐五毫
- 一葬三十二塚圖地
- 一清波門外城西二圖塔院前後地八畝一分九釐
- 一釐三毫三絲葬五百九十九塚又十前大塚圖
- 一清波門外城西二圖金魚山地八分三釐四毫
- 一葬四十八塚圖地
- 一清波門外城西二圖萬松嶺地一畝一分三釐
- 一毫葬十六大塚圖地
- 一清波門外城西二圖茶坊嶺地七畝三分一釐
- 一三毫五絲葬四百三十八塚圖地
- 一清波門外城西一圖長橋湖濱地八畝七分五釐
- 一釐葬四百八十塚圖地
- 一清波門外城西一圖頭條巷地四畝一分八釐

七毫五絲葬二百五十三塚

一清波門外城西一圖二條巷地八畝七分六釐

五毫五絲葬五百五十五塚

一清波門外城西一圖蓮花峰地二分三釐四毫

葬二十三塚

一清波門外城西一圖高德社後中間劃斷地十三畝

七分四釐葬九百二十塚

一清波門外城西一圖北園亭輔仁局地北地八畝二分

分四釐七毫七絲葬四百九十三塚

以上錢塘縣十八處共地七十二畝六分四

庚辛泣杭錄卷五 五 庚

釐七毫三絲

一鳳山門外似蘭區四明會館牆東地七分八釐

葬四十八塚

一清泰門外會保六圖外彩和橋北地一畝五分

五釐葬七十二塚

一清泰門外會保六圖福星庵北地三畝四分三

毫三絲三忽葬八十四塚又三十四大塚

以上仁和縣三處共地五畝七分三釐三毫

一統共錢塘仁和兩縣二十一處共地七十八畝

三分八釐六絲三忽共葬四千六百十六塚
又六十一大塚於同治五年八月二十三日

奉文行知

庚申殉難義塚十九處都圖畝分

錢塘縣

一錢塘門外城西二圖宗鏡堂院東地七分九釐

二毫葬一百十二塚

一錢塘門外城西一圖二條巷至學士橋地八畝

七分六釐五毫葬五百二十五塚又一大塚

一湧金門外城西一圖瀕湖馬衙地六畝七分一

庚辛泣杭錄卷五

五

釐二毫葬一百三十六塚

右三處錢塘胡光墉捐資掩埋光緒庚辰年

重修有碑記司其事者王吉甫周曉江姚有

之張敘安也土工戚大成顧保林張如山應

如松經辦

一錢塘門外上扇二圖集慶寺側地三畝叢葬不

分塚數

右一處江蘇巡撫歸安徐有壬捐廉掩埋委

江蘇候補通判姚仲蘧候補縣丞汪鑑人監

辦土工張如山戚大成經辦

一 蕭以上錢塘縣四處共地十九畝二分六釐九毫
仁和縣門外會保五圖大畝謝下首畝六釐一毫

一 鳳山門外似蘭區懷字號饅頭山下地二畝二

分一釐葬一百六十三塚謝畝二釐六分二釐

一 鳳山門外似蘭區懷字號四明會館牆東地一

畝七分四釐三毫葬一百塚謝畝六釐四分

右二處蕭山黃中耀經辦光緒壬午同善堂

掩埋局重修有碑記謝畝六釐四分

一 清泰門外會保六圖郎家場地一畝葬直長三

庚辛泣杭錄卷五 三

大塚橫闊二大塚

右一處橫河橋許紳捐資掩埋土工陸永貴

陸暢生經辦

一 望江門外會保四圖法海院地七畝五分葬四

百塚

一 清泰門外會保五圖牛窩蕩地二畝六分二釐

五毫葬一百四十四塚謝畝二釐二分

一 清泰門外會保五圖大通橋下首地六畝一分

葬二百六十四塚

一 清泰門外會保五圖化智廟旁地二畝八釐三

毫葬六十三塚又一大塚

一清泰門外會保五圖徐家埠地八分七釐五毫

葬五十七塚

一清泰門外會保五圖觀音堂地三畝八分七釐

葬二百六十塚

一清泰門外會保五圖馬衝東首地五畝二分五

釐三毫葬二百八十五塚

一清泰門外會保五圖鴨兒灘地五分三釐一毫

葬二十四塚

一清泰門外會保五圖凌家園上塘處地四分葬

庚辛泣杭錄卷五

一三十塚

墓右九處錢塘胡光塘捐資掩埋光緒庚辰重

一節修有碑記

一望江門外會保五圖海潮寺池東名拾鹽地地二畝

叢葬不分塚數

一清泰門內南良一圖蒲場巷東渡庵牆角現已圍牆

叢葬不分塚數

一清泰門外會保六圖西渡庵牆外地二分叢葬

不分塚數

墓右三處皆民捐民辦無碑記訪之土人應如

一八松等始知其界址現歸掩埋局管理
八以上仁和縣十五處共地三十五畝三分九
一林釐
通共錢塘仁和兩縣十九處共地五十四畝六
分五釐九毫葬二千五百三十六塚又十一
一林大塚內四處不分塚數六處無畝分
東郊庚辛殉難各義塚畝分五亭八絲

一河西村曇花庵側叢葬庚申殉難遺骸廿大塚
計地二分六釐二毫五絲

一艮山水門外及爛港口藁葬庚申殉難骸骨並

庚辛泣杭錄卷五

三

一古塚六百餘堆計水門側地八畝三分三釐三

毫爛港口地七分三釐九毫二絲

一白蓮坂藁葬庚申殉難忠骸南北長埭北三短

東陵埭計地三畝四分九釐五毫八絲

一打網埭土名糴子埭藁葬太平門城闔庚申殉

難八十三人連古塚計地五畝九分四釐一毫

六絲

一樟樹下叢葬庚申殉難骸骨連古塚計地三畝

八釐七毫五絲

一八仙石涼亭側叢葬涼亭內辛酉殉難骸骨一

大塚不計地

一 施家橋路旁葬辛酉殉難閔勇十七塚計地二

分三釐三毫三絲

一 彩河橋難中藁葬道殣不計數連古塚計地三

十八畝八分四釐七絲

以上各地共計六十畝八分七釐七毫六絲

內一處無畝分

仁錢二縣義烈墓畝分已列於右餘若王壯

愍撫浙時飭紳董掩埋遭劫無主棺木及殉

難藁葬尸骸如錢塘縣下扇四圖護國寺前

庚辛泣杭錄卷五

差

地五畝二分六釐二毫五絲又觀音井後地

一畝八分上扇四圖地藏殿涼亭西地二畝

又瑪瑙寺園東地七畝仁和縣似蘭區饅頭

山下地二畝一分八釐七毫五絲又報國寺

東地四畝五分四釐七毫四絲會保區福田

十寺前地四畝三分三釐八絲太平六圖李家

橋地二畝四分七釐九毫五絲會保四圖四

板橋地九畝九分一釐二毫五絲凡九處共

葬四千一百四十一具均有碑記可考由掩

埋局致祭恐久而淹沒謹附識焉

藝文

義烈遺阡碑公忠肅效獻士大夫譚寧獻君恩

嗚呼天人消息之故微乎其可畏也古昔聖王尊生
爲本故以民爲天生聚不與富盛期而富盛至富盛
不與奢淫期而奢淫至奢淫不與凋喪期而凋喪至
其小者災眚大者甲兵皆所以懲戒生人而天心仁
愛又必豫生救災之君子大人以濟其難而圖其後
屯之傳曰雲雷屯君子以經綸師之辭曰師貞丈人
吉吾於今宮保制府左公今方伯蔣公見之方杭州
之再陷也環攻日久餉道斷絕權金易粟不得糜革

庚辛泣杭錄卷五

五

茹草皆盡孳殫相望死者已十七八城破之日剗割
之慘予遺黎民難一二數抑亦數十年治游侈靡之
習召此變邪其陽九之數適丁厄運邪於是左公督
師入浙蔣公統百勝之士三萬人如虎如貔轉戰而
下破竹之勢迎刃以解更生之人求食之鬼胥喁喁
焉與膏粱而膏粱至膏粱不與與喪而喪喪盡
玉師下杭州日城內外積骸蔽地如林如莽蓋飢餓
屠戮與夫百戰之骨皆在焉左公前騶所經觸目以
憂以詢於蔣公蔣公以謀於鄉士大夫訓導徐君恩
綬周君鴻渚承大吏教勸賢集貲募壯夫竭手足從

事凡遺骸之可數者五萬具而贏斂而霾之西湖諸山在南山者爲松居庵凡三十六區在北山者爲仁壽山凡二十一區江干湖墅亦就近掩藏之其制深五尺塚各五具不成具者併大塚其土墳之崇亦五尺皆以三和土爲之不惜費而求其堅畢如也其外溝若干丈裁令流水又慮久而湮於榛莽也繚以周垣結廬守焉將句大府請於台與觀而固盜賊寶朝附於厲壇列爲祀典春秋有司祭之凡此不知誰何之鬼無所求其子姓而引之以及於無窮由斯以後歲有康年不逢災害厲氣盪滌永無兵燹微二公

庚辛泣杭錄卷五

三

濟艱之大略無以埽除此土亦微二公圖後之盛德無以委曲周詳恩及無知之朽骨如是也杭之人弔死扶傷創鉅痛深春朝秋日麥飯一盂涼漿一粥冢中之人非其親故卽其里黨合貴賤而同盡混賢愚於一邱吁可悲也其將崇禮義敦儉讓以感天心之和則是纍纍者又不徒動後來之憑弔已也系之辭曰西湖之山繚而曲發叢冢纍纍如防如屋兮魂乎有知血相矚兮飽彼烏鳶飛土誰逐兮爲枯骨主靈臺之仁兮生匪相識死爲鄰兮陵葬澤葬思古人兮鬼不爲厲升於天兮粟麥歲稔國生聖賢兮嗚呼貞

石垂千春分
天池寺泉山洞兩義塚祠祀碑記

陳代魯

掩骼埋骼昔之澤及枯骨者雖無事時且心存仁愛
別當兵燹後耶咸豐辛酉杭州再陷官紳軍民死難
甚眾碧血生燐白骨遍野同治癸亥八月前方伯湘
鄉蔣公攻克富陽駐師江滸見而憫焉籌款檄程大
令鍾瑞會商李司馬國賢趙茂才景良募夫檢收約
得數千軀聚掩於天池寺之側繼訪白沙塢有泉山
洞者口窄腹寬當賊圍省城時遠近居民相率奔避
其中迨城陷而錢塘監生駱儒宗獨募勇守禦屢挫
賊鋒次年五月力戰遇害其子監生進駒繼之越歲
正月賊虜至進駒亦戰死賊怒不已積薪洞口灼死
男婦三千餘人大令覘得其實復募夫盡數檢出掩
諸洞前山麓此收瘞兩塚之起緣也嗣甲子春大軍
克復省城善後局普收骨殖作數十塚分掩南北兩
山前制軍爵相左公表爲義烈遺阡
奏列祀典顧天池泉山兩塚掩在城復之先未經列
入大令懼無主守護入就湮廢稟蒙今中丞楊公綰
藩篆時撥公款委吳貳尹廷康仿義烈遺阡繚垣建

祠並詳請前中丞馬公會制府英公不可幾百萬人
奏列祀典春秋遣官致祭並動支截曠銀八兩發縣
備辦同治七年三月初八日奉 旨允准誠
曠典也魯於是年適來守郡大令復請諭飭善舉紳
董丁君丙徐君恩綬周君鴻渚移錢江救生義掩局
於祠中使管守焉仍由局覓土人護視泉山祠塚俾
歲修有資管理有人詳報立案上為 國家沛泉壤之恩下為忠義緜馨香之祀大令與有
力焉因敘其始末並記於石

庚辛泣杭錄卷五

七

附錄祠內同治十三年仲秋撫浙使者楊昌濬題

額曰山高水長聯曰烈劫殉紅羊浩氣長存終古

黃豆邊馨享祀怒濤馳白馬靈風未泯卽今舟楫濟

艱難樹禮識

庚申殉難義塚記

張爾嘉

周官蜡氏掌國之黜禁有死於道路者則合埋而置
楬書其日月懸其衣服任器於有地之官以待其人
禮記月令孟春之月掩骼埋胔蓋先王仁政澤及死
亡雖承平無事之餘掌黜有官埋骨有時矧當兵燹
後哉咸豐庚申間杭城兩陷殉難者不下數百萬人

同治甲子左文襄率軍南下克復省垣目擊尸骸之
蔽地慨然傷之爰命胡雪巖觀察光墉等集貲僱夫
收遺骸之可數者約三萬具分埋於錢塘之昌化伯
牌樓仁和之四明會館牆東等處凡二十有一更聚
埋骸骨之不可分數者五十七塚於南北兩山十一
入告於
朝奉
旨豁糧列入祀典他若天池寺泉山洞義塚亦皆奉
旨恩准建祠我
國家旌卹之典至優且備然而死難之餘纍纍白骨
徧地如林凡義民之隨地掩埋其湮沒者已不知凡
幾追維庚辛之秋胡君雪巖所經理者如宗鏡堂院
東等凡十二處黃君斯馨所經理者若饅頭山下等
凡三處餘若集慶寺側則江蘇巡撫徐公捐廉所葬
也郎家場則橫河橋許君捐資所埋也此皆庚辛殉
難之義塚有碑可稽巡撫王壯愨公擬奏請豁糧而
未果者余自癸巳仲秋隨金君蔚齋後司掩埋局事
爰將各義塚丈量繪圖以清界址訪之土人應如松
等又查得殉難義塚若海潮寺池東蒲場巷西渡庵
側三處皆當時義民隨檢隨埋而不分塚數者亦丈

量其畝分登諸冊籍以期久遠今年春孫和叔孝廉
樹禮適有義烈墓錄之編余因舉所知者十九處請
附列於後孫君喜余知之詳也囑爲記其緣起余維
掩埋局之設深得古聖王遺意至今垂三十餘年葬
二萬二千八百塚有奇合十一萬四千餘棺今則漸
推漸廣凡南北山天池寺泉山洞各義塚以及三學
局輔仁局所埋之塚悉歸局中管理是固周君鴻渚
姚君厚餘金君蔚齋之力居多今孫君更欲其久而
不湮也固不可不記光緒乙未夏日

東郊義塚記

孫樹義

庚辛泣杭錄卷五

五

昔范縝謂人生有飄茵墮溷之殊予謂生固有之死
亦宜然夫所謂殊者非重於泰山輕於鴻毛也同屬
舍生取義之倫而或高列阡表春秋享祀或叢葬草
莽狐兔穴居是豈死者之異耶抑亦殉義者實繁有
徒初不暇計身後名爲之藁葬者亦遂莫之知也夫
庚辛之劫創深痛鉅而

朝廷

旌卹之典亦至優極渥南北山義烈遺阡旣歷年遺
員致祭而紳民醵金更屆期資送楮帛崇報之意可
不謂重耶然良山水門外白骨累累鄉人言曩時殉

難者舟人載出城河卽昇以登岸僅覆一坏之土經
二十年剝蝕故至於此吾弟樹禮盡然傷之時善堂
掩埋經費苦支絀不得已白諸筠軒吳公吳公因督
宗文塾課達諸夔石王公茗笙朱公塾正張孝廉景
雲復憇思之王公遂慨然捐廉復集同人伙助并所
謂爛江口者均培築焉自是以後鄉民之來告者踵
相繼如施家橋河西邨曇花庵側白蓮坂樟樹下打
網埭八仙石彩和橋等處邑之紳士耆老咸慕義鳩
資重修之王公更倡爲每年募冥錮巡歷一周之議
以防侵佔朱公復樹豐碑立界石冀歷久遠雖稍慰
長逝者之魂魄然較諸南北兩山之遺阡已不如遠
甚此外見聞所不及弔祭所不至青燐碧血淪落於
荆榛沙礫間者不知凡幾可勝悼哉可勝悼哉

過湖上萬骨塚悲賦

張應昌

杭城燹後積屍如山枯骸載路城復收骸
築數十大塚於西湖南北兩山題碣曰義烈

遺阡春秋祭祀

齒豁欣蒙掩形骸慘不分一坏同混沌萬鬼雜紛紜
義骨成京觀寒燐結暮霧那堪仙佛地罹此劫灰焚
宋塔殘陵寢秦臺聳髑髏豈如仁政澤慈卹義民僮

恨之山陰客能分涇渭流古今千載事涕淚滿杭州
弔義烈遺阡

山行不逢人尙餘豺虎迹平馬讀殘碑道旁亦歇息
鄉人荷擔來累累此何物前肩掛髑體後擔束骸骨
爲言荒邨中狼籍無人卹官局論斤買易米計亦得
敗骼攪牛羊眞僞孰能別山南淨慈旁山北棲霞側
荒塚何紛紜千魂共一穴豈無忠與貞豈無豪與傑
身後誰得喪都付一邱貉俛首念妻孥淚下衣襟涇

春日過湖上弔義烈遺阡

有序

王蘇劉焜焜

野棠花發湖上春來雕鞍錦轡之傳紈扇輕

庚辛泣杭錄卷五

望

衫之客展于墳而卜夢過鄂隴而摩碑俯仰

長此春前徽致足尙矣至於深深玉葬弔油碧於西

長此春前冷鬱鬱香阡訪殘紅於孤嶼猶復抽簪刻壁

荒澗何吮墨題襟况乃浩劫留灰靈山護魄鯨封萬

想龍鬚骨蒸石頂之愁雲烽火千星照湖邊之暮雨

爲言荒其閒豈無銀緋顯宦金谷豪門色絳黃絹之

嶼人荷名流畫閣朱簾之淑媛笙歌響歇鼙鼓聲來

山行不慘丁九運之艱遂作一邱之貉歲歲清明飽

官家之麥飯朝朝風露看野水之楊花遊魂

野水山汚而難歸子孫過而不拜豈不痛哉焜負書

作客買屐頻遊驚風火之餘痕慨滄桑之往
事湖山圖畫重似當年劍履弓刀難招舊魄
腥風刮樹黃塵老紅羊齧血膏原草千里青燐傍地
飛三秋白骨隨蓬蒿大將招搖下浙濱神旗一閃瘴
雲分連屯未卸東征甲掩骼先行西伯仁至今南北
雙阡列建節節旆風裝羅赫失節和製平表默然
鳳詔輝煌褒義烈四圍薜荔繞長垣尺芙蓉壯豐
碣就中多有貴人魂寒食梨花草土墩碧血共澆新
白釀烏衣難覓舊朱門猿鶴蟲沙真劫數忠貞貴賤

庚辛泣抗錄卷五

聖

同坏土殺運端資正氣扶坏土風流足千古當初骨
月慘流離自分終應飽餓狸何意殘骸獲同穴團圓
翻似勝生時南岡北隴遙相望謹笑譌呼同里巷春
雨淒聞牧笛吟秋風共聽樵夫唱吁嗟乎赤燖烈澤
全城空妖網四設無西東蹈白刃兮罹青鋒子死孝
兮臣死忠婦殉夫難兮僕隨主蹤甯斷頭兮無賊從
生作人豪兮死爲鬼雄君不見田嬰壠上荆蒙茸翁
仲沒土狐爲宮又不見平涼城下懷忠旌義兩遺塚
千秋馬鬣常穹窿

寓天池寺秋祀畢感而成詠 黃學淵

人壽終有盡天道復何尤
靜觀千百塚累累土饅頭
幸傍天池寺佛力超冥幽
自昔經粵逆殺戮徧杭州
定鄉劫獨慘白骨填深溝
官軍與寇盜顛倒貉一邱
至今三十載山鬼嗥啾啾
謹告冥漠君奠爾酒一甌
時和莫爲厲魂兮依松楸
花發棠梨豉盆啟孟蘭秋
俯視山下潮終古無停流
可知胥與種難報吳越仇
由來極樂土生死原浮休

註
天池寺義塚

劉焜焜

表卹此差後同爲忠義魄
先後亦何有隔樹聽經聲

庚辛泣杭錄卷五

望

六洗煩冤垢忠魂早度脫
遺蛻已不朽

過泉山洞感賦

陸有壬

指說泉山洞口窄腹寬洪當關一夫立足卻羣醜衝
更恃駱父子相繼挫兇鋒男婦三千餘避匿居其中
城陷賊虜至忿極設計工積薪塞洞口狼毒縱火攻
事後檢遺骸義阡巖下封封章附入告春秋祀典隆
長松冷白日獵獵生悲風今見洞口草獨活無蒙茸
碧血入土化開遍映山紅

幸
泉山洞義塚

劉焜焜

官軍櫻危城居民扼山洞城陷洞不下父死子復踵

哀彼昆岡焚卒盡桃源種誰人拾餘燼并築要離塚
達官乘朱軒春秋拜遺壠忠義良足欽食報亦云重

翻念金華麓惻惻增悲痛吾郡金華山麓有講堂洞為劉孝標讀書處洞廣可

四五畝正中絕壁如屏上復露洞八粵匪之懸鉅山民結

不能上而其內寬廓可容數千人期已有奇頓賞糧

砦自固力屈不守退保此洞蓋先期已有奇頓賞糧

充積內有泉水足資盥汲更番令兩人持火器守洞

口賊萬眾不得薄有窺伺者輒被殲無算賊忿甚因

大索花絮數百捲中裏紅椒蒸之月鐵桿挑塞洞口

舉扇扇之逾一日夜舍之而去次日有一老嫗弱于

出半面焦灼如漆鼻皆出血而其餘男女老弱弱于

餘人則皆為煨燼矣爨後有無賴數人利其財物乘

炬而入見洞內遺骸或坐或倚或兩人三五人相抱

持冠履面目悉如生時舉手撥之隨為飛灰心動而

出旋染惡氣以死後遂無問律者事聞於官令以丸

泥封之按此與泉山洞義民拒賊被戕事正同一律

而一則堂封屹峙寵渥鸞一則石葬蒼涼冤沈

庚辛泣杭錄卷五

罟

雞甕鬼猶求食霜露之感何如死而有知茵溷之悲
曷極往年遊金華山曾過洞口父老指述遺迹流連
憑弔惻然傷之書生力薄付之負負而已今感杭州
泉山洞之事因附筆識之欲以存其軼事且願有心
人比死者一灑之也

與孫三樹禮董修東郊義塚功甫竣集蘇海堂

句稽工籍適逢報登賢書之喜作此紀事不

頌以規其許我乎

張景雲

棹出城東門累累見遺塚矢石亂蟻委岸齧水瀕洞

散牧牛羊來棺陷上成孔歸告鄉先生慘慘衷懷動

孫君年力強任事仁且勇能鑒我躊躇不待人愆惠

執繩定經界胥吏意驚悚畚鍤集眾夫工作去繁冗

告祭自爲文感格到芻備圖繪正鱗冊秋賦納秬稂
告成不旬日條理何倥惚培土限三尺一一見高壟
春雨無積流秋草薙荒葺愧我贊助無奔走其接踵
九月造榜天試事議論詢君也慎出納執筆注其總
有人走相告官紙泥金捧天香月中桂高折瞻宮種
爲君開笑口功名荷天寵陰德原耳鳴寓言非鑿空
知君守天爵方寸益震恐善頌我家法浮名不爲重

東郊義塚

劉焜

步出東郭門悵望東郭路累累青草塚蕭蕭白楊樹

厲魄今有歸忠骸昔無主雖遲

庚辛泣杭錄卷五

昱

綸綉寵幸免霜露苦因茲念仁人茵溷何足語

附錄

林典史墓

林典史墓在孤山林逋墓側咸豐十年粵寇陷杭署

仁和縣典史林汝霖死之藁葬署旁克復後改葬孤

山同治七年巡撫馬新貽奏建祠於墓前

光緒杭
州府志

君姓林氏名汝霖字小巖福建上杭人父坤字松巖

任安徽茹麻嶺巡檢有政聲以老致仕君幼讀書矚

大義援例得九品官分發浙江咸豐七年署南潯鎮

巡檢九年署仁和縣典史父母就養任所姊二人妻

周氏及子四女二隨侍十年二月二十七日城陷君攜子跪請其父俱死非計速挈孫出避以延宗祀父不許流涕固請乃挈諸孫匿獄壁君送之出歸署則母妻及兩姊長女均自縊矣捨地長號旋危坐堂皇列印於案手酒痛飲大書於壁云未能矢志勤王事惟有捐軀答

聖朝俄賊至君怒罵擊以印不中賊前加以刃旁一賊言此忠臣不可殺竟舍去復有數賊至君佯顧堂後賊爭趨入則積屍縱橫搜金不得駭且憾突出斷君齎置案上屍僵坐不仆及賊退父挈諸孫自獄中

庚辛泣杭錄卷五

異

出殮諸屍命役藁葬署旁父旋卒長子懋生年十六謁前巡撫王公有齡泣述死事狀有齡爲請於

朝是年五月

詔贈君主簿給世職家屬

旌表如例懋生奉檄效力浙東軍營次年諸暨兵潰欲回杭以賊圍城不果嗣聞包村起義往赴之志欲立功以雪父讐同治元年包村陷殉焉次子涇生年十二亦死辛酉杭城之難次女及兩幼子以寄養越中戚屬家得不死五年冬復葺典史署堂西偏掘土得屍六迫視之朝衣冠者首在頸旁生氣凜然眾愕

不敢發有老役朱華過而詫之曰此前典史林公也
藁葬時某與役今七年矣因述死狀甚悉其同官暨
紳士等醵金卜葬於孤山林處士墓側立祠宇加塚
碣焉論曰林爲閩右族代有聞人君負抗爽才顧不
大用而辱於末吏卒能閤門殉難志節皦然則亦何
媿其家聲哉初圍城中君謁仁和令李福謙語次及
賊李懔慨長吁攬衣帶視之曰吾佩此久矣蓋李君
前令金華時賊至嘗左佩印右佩鶴登陴以督戰守
至是復然故云君聞而默然李問之則斂容起對曰
某誓不負公兩人卒皆如其言而君死事尤烈於戲

庚辛泣杭錄卷五

畢

命之尉望重青雲如林君者可以風矣

仁和董慎言撰傳

孤山林典史墓記

陳思燭

昔明閩陳公以典史抗節江陰我

登朝以晉

朝建祠賜諡褒卹有加不以逆命爲嫌仰見

先皇

先皇教忠之至意而二公者生屈末僚死彰大節說

者以爲視達官貴人尤可重焉越二百年餘而浙江

復有仁和典史林君官闕里居及行誼死事諸狀別

詳傳中方同治五年冬重葺典史署掘地得其屍六

詢之老役知爲君全家藁葬處於是同官紳士憫其

忠烈謀爲改葬卜地於孤山林處士墓西詎日程功

先營墓道依山築壙發以瓴甌繚以周垣立碣爲表
衛以石闌墓旣成構屋爲祠厥規四方翼然如亭中
置龕奉木主三面屏以門望之若采悤然步闌畫楹
旁矚遠映居然一名勝矣飭工庀材經始於六年十
月凡兩閱月而祠成紳士許乃釗等合詞請於今兩
江總督前巡撫馬公新貽爲之奏請於

孤山弔林縣尉

薛時雨

庚辛泣杭錄卷五

哭

香冷弔忠魂春寒肅墓門名山增故實一命亦

君恩寶劍恆光氣孤松有本根能令風俗厚

范文正
贈林處

士詩

語 仕隱道同尊

湖上謁仁和典史林公墓有感而作

生不能封萬戶侯更不能盡斬獲悍之賊頭高坐堂

皇馬賊死遂令典史重山邱典史之官大如蟻焉能

仗節報

天子倒持手版望轅門應知淚落如鉛水一朝賊破
清波門日光慘淡煙塵昏全家併命無遺累不負

熙朝養士恩而今湖上一坏土來與逋仙共樽俎八
百年前受姓同繞墓梅花香更古吁嗟乎死後不留
封禪稿清風久已人閒杳今朝磊落遇忠魂地下逋
仙應絕倒可知正氣扶綱常微官奮志卽昂藏若因
勢位相尊重當時乃有林福祥

孤山林典史墓

褚成彥

生死蜉蝣耳彭聃未爲壽少尉人卑仙微官殉狂寇
氣節完功名天意栽培厚魂獨戀孤山常繞逋翁石
地下聯宗盟仙吏家風舊管領到湖山馨香分俎豆
搢衣拜墓門英風壯靈鷲白雲時往還孤塚梅花守

庚辛泣杭錄卷五

吳

拜林典史墓

丁午

古今不必同所同者氏族出處不必齊所齊者高躅
湖翠撐孤山棲隱林君復袖無封禪草瓶有頒賜粟
清標勵臣心素餐恥榮祿宜乎老坡仙寒泉薦秋菊
流風七百年偶然墜緒續縣尉乃微官琴堂襄判牘
手版與腳鞢奔走風塵俗何以希先生高節追落落
時值咸豐朝粵逆肆羝觸流禍及浙水初罹兵燹酷
林公佐仁和厥職僅守獄本非任干城長吏逸且速
公氣殊昂昂可殺不可辱衣冠坐堂皇罵賊等叱犢
公怒賊亦怒闔門遭慘毒須臾援師臨收城撫尸哭

桐棺不易購具斂賴童僕甲子會止元湖山重耀目
傳述有殘黎僚友咸敬肅煌煌
衰郵詔耿耿忠義錄招邀靈之來遷骨到林麓淵源
接一氣片石墓門轟竭來弔孤忠一盞進湖淥梅花
娟娟紅疑有血痕灑羽衣久冲霄何時歸白鶴千秋
德不孤高山仰嶽嶽

五人墓

五人墓在艮山門外堯典橋同治三年二月杭州府
知府薛時雨密令舉人仁和朱汝霖都司上元陳元
慶文生全椒楊景洪全椒傅洪恩從九六安金廷良
覘省城降賊虛實事洩同時被戕

庚辛泣杭錄卷五

五

奏請

賜卹十二年三月巡撫楊昌濬飭同善堂就五人遇

害處封墓樹碑

先緒杭
州府志

朱汝霖原名應楨字逸如號松溪仁和人故居在貢
院東橋河下性沈摯見義敢爲寡言笑食貧劬學不
善治生產中咸豐辛亥恩科舉人恥干謁抑然自
守十一年杭城陷賊凜僞聽王陳炳文據之其弟僞
朝將炳孝實執汝霖汝霖抗志不少下丙孝益重之
傾心待汝霖出入無間同治二年浙江巡撫左宗棠

略寇上游偪杭州江蘇巡撫李鴻章亦收復浙西郡縣官軍甚盛炳文大恐時汝霖日夕說內孝利害謀反正陰結同志傅鴻恩陳元慶金廷梁錢燮堂趙惟與官軍相聞炳文爲救死計亦從炳孝乃因汝霖輩謁左李二帥齎檄許便宜行事約降有日矣六人者主趙惟集艮山門外姚店橋空舍嘗約歲除內外舉事而大營未傅城不敢發當是時同炳文據杭州者爲鄧光明而餘杭守賊汪海洋百戰犯順悍不肯下偵知炳文兄弟謀三年二月二十日擁眾馳入城責炳文炳文勢不敵諱之因匿炳孝與海洋言久不決

庚辛泣杭錄卷五

五

海洋遂麾其下至姚店橋縛汝霖等四人皆殺之趙惟則導燮堂涉水跳免賊持四人首入城揭小營巷炳文僞府門閤日惟越城夜取四首藁葬焉杭州克復炳文光明皆降汝霖死狀久而始上聞鴻恩安徽全椒人候補知縣元慶江南上元人安徽右營都司廷梁安徽六安州人候選從九品楊景洪者安徽全椒諸生好奇計慷慨烈士賊中與鴻恩等相接陳炳文之約降也將以贖于江浙大帥乞免死景洪爲文詳盡書上李撫部鴻章擊節賞之曰此忠憤者之言也事旣泄景洪則與鴻恩等同死亂定杭人叢葬

汝霖鴻恩元慶廷梁景洪於死所稱之曰後五人墓
比於虎邱云

兩浙忠義錄

姚店橋五人墓碑記

楊昌濬

同治三年二月前杭州府薛守派仁和舉人朱汝霖
上元都司陳元慶全椒文生楊景洪全淑傅鴻恩六
安金廷良覬省城降賊虛實事洩同被戕奏請

賜卹有加並飭採訪局立傳十二年三月令同善堂
就姚店橋遇害處封塚墓以妥忠魂撫浙使者湘鄉
楊昌濬記

姚店橋五人墓

庚辛泣杭錄卷五

三

生死原無常顯晦亦無據當年事機成寵爾頭銜署
縱然得大官浮榮草頭露試思五人事目睹那知數
骸骨雜馬牛邊徼誰宣布

兩粵類此湮沒不少

今不幸而幸千

古姓名著巍巍堯典橋有後五人墓墓下獨徘徊愴
然動遐慕

朱孝廉汝霖舊僧相識

詠五人墓

高偉曾

人生不幸入虎穴豈僅保身號明哲果爲閒謀助官
軍功成內應真豪傑憶昔武林賊負嵎欲降未降疑
莫決元戎潛授義士書令探賊情誠與譎大勛垂成
虧一簣可惜多魚先漏洩事敗齊聲罵賊死顏佩韋

等比忠烈良由報國赤心炳惟冀妖氛速掃滅吉凶
利害所弗計效忠志奮謀身拙差幸大帥不日臨喪
元歸元無欠缺合併遺骸作全璧擇乾淨土埋碧血
父老指點城東鄉流傳名蹟姓氏芳領袖者誰紫陽
裔與我同賦鹿鳴章服君奇節痛君逝擬備隻雞來
奠觴其餘四賢殊桑梓一抔共此一瓣香惟願杭人
善守護毋教窟穴狐兔藏更栽松柏高百尺好與天
上五緯爭光芒

豈盡弔五人墓

庚辛泣杭錄卷五

午

五人生死等華胥碧血離離草色如弱肉何堪投猛

庚辛泣杭錄卷五

壬

虎深謀畢竟漏多魚名留不朽身甘殉事敗垂成志
豈虛一樣山塘有遺塚忠魂義憤史同書

豈盡弔五人墓詩

劉焜

賢哉五先生衝命覘賊戍雖遭鄙生烹終勝舞陽怖
虎穴豈足入忠奮義不顧浩節誰與儔夷迹三士墓
昔阮文達公刊兩浙防護錄一時稱爲盛舉兵燹
版燬罕有存書南海潘師來浙視學嘗捐廉修全
元謝山先生墓因亟請崧振青中丞將防護錄付局
味翻雕誠以昔人祠墓非著諸簡冊數十年後往往
豪勢侵佔卽後之人抗懷古蹟欲興復之而已茫

然不可究詰徒爲旁觀之太息吁可慨也余嘗承
夔石王公命督修東郊義烈墓及古塚一二十區
茗生朱公復慮日久湮沒爲樹碑經界以垂久遠
竊思劫後塚墓莫大於南北山義烈遺阡曾奉
恩綸豁糧列祀典人人知之若天池寺泉山洞之
義塚亦建祠宇有司官春秋祭祀知者已鮮矣至
附案豁糧之上扇二圖等莊二十六處更鮮有知
其畝分者安知一轉瞬間淪爲平壤不爲強有力
者所竊據耶茲冊首載南北義烈遺阡卽以天池
寺泉山洞東郊義塚並豁糧區畝鱗次於後以備

庚辛泣杭錄卷五

蓄

後人之考證而五人墓林典史墓亦附列焉其餘
未及聞見者不知凡幾闕略遺漏在所不免然如
朱行人墓孫花翁墓陳忠肅墓數百年後松生年
丈且旁搜博考而修舉之吾知遊九原而流連隨
會者必大有人在也光緒三十年嘉平月餘杭孫
樹禮識於惠吉堂

蘇忠似翁墓
葛生宋公墓
恩綸豁糧列祀典
庚辛泣杭錄卷五終

庚辛泣杭錄卷六

陳學繩兩浙庚辛紀略

粵匪爲患十有餘年其窺浙也自戊午春始是歲陷金處衢嚴十數州縣幸援師雲集未及三月一律肅清又年餘而有庚申之變庚申正月廿九日賊始由甯國陷廣德二月三日遂至四安距長興四十五里徐大令之鑒告急羅中丞遵殿檄李鎮軍定太往援

初十日始抵湖州而安吉已陷因駐棧溪賊至仍還湖州段廉訪光清率廣勇由餘杭趨賊後路十六日

復安吉而賊陷孝豐十七日陷武康十八日至良渚

庚辛泣杭錄卷六

一

十九日辰刻由大關撲武林門官弁兵民均未知也有探弁陡遇於馬塍廟疾馳入城呼門者閉門賊已至滿兵礮擊之始稍卻軍於寶石山中丞聚眾授兵登陣時城內兵少不敷守孫終夜寂然人心亦懼二十日仲孫觀察懋自甯波來援廿一日賊至岳墳廿二日至南屏廿三日至鳳凰山段廉訪還軍援省擊賊於四明會館不克廿五日賊至觀音塘米軍門興來援遇賊而潰有請戰者中丞怯不能應人以是咎之然戰亦未必勝也星士王道平者久寓省中形迹詭秘眾疑之擒送協防局大府未及問觀者爭判

其肉俄頃而盡賊營轟擊金鼓人知有狡計而不能
備廿七日黎明地雷迸發錢湖門一帶城崩數丈賊
爭擁入城遂陷進攻滿城甯人業陷於杭者數千人
助滿人殺賊滿人由是得全廿八日午刻有黑氣一
道上冲霄漢三月初三日張軍門玉良自金陵來援
賊方注意擄掠不意援師驟至一無守備軍門督眾
先登賊卽驚走出望江門省城遂復是役也賊至城
外八日居城內六日居民被焚被劫被擄者指不勝
屈中丞及王方伯友端葉觀察夢死於署繆都轉梓
仲孫觀察懋戕於城署仁和令李司馬福謙哭於城

庚辛泣杭錄卷六

二

隍廟而自縊其餘官紳士女死者約六七萬人仁邑
之災半於錢邑劫分輕重抑人有良莠乎是不可知
矣賊之去也由富陽至新城臨安爲民團所拒久之
尙在延陵埠省中官屬未具事無秉承人皆惴惴聞
月王中丞有齡自吳門來整隊入城示諭居民言詞
悻惻人始有倚以自安之意未幾張軍門還金陵大
營繼潰蘇常皆陷張軍門單騎來浙四月廿四日嘉
興陷張軍門進攻斗門六月中僞英王由甯國來十
七日至餘杭十九日至賣魚橋適張軍門遣劉鎮軍
紀三來援出賊軍後賊遁去七月僞忠王援嘉興連

戰三日廿三日我軍潰至省垣石門桐鄉皆陷長安
一帶焚掠殆盡中丞遣吳協戎再升進援賊還嘉興
我軍遂駐石門湖州自蘇州不守趙中翰景賢捐貲
練勇屢破賊軍九月中賊復至有劉副將允福者以
敢戰名而性不馴中丞惡之使駐塘西以疏之至是
不奉令而至湖湖人殺之賊亦遂退張軍門收軍江
干聞玉山有警進軍嚴州賊自遂安閒道由桐富後
山至餘杭十月十八日至留下擊之退陷富陽桐廬
十二月廿八日張軍門克桐廬辛酉正月初九日克
富陽上游肅清二月賊攻石門吳協戎退至橋司賊

庚辛泣杭錄卷六

三

去我軍駐臨平三月賊由消安至遂安陷壽昌諸葛

廣文

壽燾

回蘭溪招勇守小坊嶺賊深恨之遂從湯

溪至金華城外有大橋長數丈張軍門令堅守橋心

而王太守

桐

固請拆橋遂撤守橋之卒賊乘間入城

陷蓋四月十七日也賊分兵攻武義蘭溪廿二日陷

蘭溪廿三日陷武義時江右另股由開化龍泉麗水

宣平永康至金華合兵由蘭溪攻小坊嶺諸葛廣文

前後受敵竟以身徇人皆惜之中丞檄陳協戎步高

守嚴州令方都司

國淮

代吳協戎守臨平而調協戎

與米軍門

興朝

文鎮軍

瑞

劉協戎

長培

劉都司

加王

由義烏攻金華饒軍門廷選駐蘭邑北門張軍門駐

南門蓋自金華陷後入軍大洋也林方伯福祥自江

右來駐軍桐廬六月賊紮營大洋沙上斷張饒二軍

歸路而由壽昌襲陷嚴州會大雨終夜山水陡發沙

上軍移去張饒二軍還克嚴州駐烏龍嶺時賊攻浦

江因調文劉各軍往援而以饒林二軍駐諸暨爲後

應八月中浦江食盡而潰時江右花旗股逆號稱百

萬攻嚴州張軍門退至溜江灘賊漸由桐富而進九

月十八日陷餘杭遂窺省垣其頭隊形如丐者絕少

軍械諸將易之十九日義烏陷諸軍皆潰賊由楓橋

庚辛泣杭錄卷六

四

至錢清廿四日陷蕭山浙東音問遂絕廿五日賊出

餘杭塘攻賣魚橋卡邱都司壽昌請援中丞登武林

門撥劉協戎長培部固勝勇助之三鼓後大雨如注

賊乘懈冒雨涉水擁登南岸我軍退至務橋賊趨東

鄉秋稼方熟豐穗滿野賊驅農人爲之穫其糧旣足

遂由東而南廿七日饒軍門林方伯回省諸暨又陷

也十月初一日賊至岳墳將往南屏西湖水軍斷玉

帶橋誘賊登蘇堤而以礮船前後擊之斃賊甚衆賊

退由後山至朱橋方伯之還省也中丞令率全部三

千人自望江門至銀杏埠連結數營以衛江路遲至

五日而營不成初三日賊衆數萬由朱橋撲饅頭山
山在鳳山門外西北諸山繚互十餘里至是而止山
路叢雜此其扼要中丞甫蒞浙卽命連築三營賊至
以楊協戎金榜等部五千人守之至是皆潰協戎戰
死外圍遂合初五日張軍門自上游沿途收集潰兵
得萬餘人來援前隊況協戎文榜連破賊卡進謁中
丞卽回江口賊夤夜築五營於大通橋江路復絕又
在甘橋掘地道中丞以窺聽得其處而爲內濠木城
以絕之張軍門屢親擊賊十九日中鎗傷脇未幾卒
況協戎權領軍事其勢始衰廿五日林守備壽春請

庚辛江杭錄卷六

五

以所部閩兵千人攻羅木營賊卡而願得勁旅爲後
應中丞令文鎮軍助之是夜守備令人持土包一填
濠而進毀其柵賊將潰矣見其無後繼也復戰五鼓
守備陣亡文軍竟不至中丞切責之鎮軍請夜獨出
許之方出而城中火起中丞恐有內變命收軍疑亦
兵勇所爲也十一月初四日中丞命作大鶴以機藏
藥觸地卽發而先置桐油於水龍內射入賊營以火
得油則愈熾將盡焚之也而卒不行初七日兵米告
匱省中餉需久缺無儲米之貲賊之將至也中丞檄
甯紹台張觀察景賢採買運濟井諭店戶居民廣爲

購辦始賈價四出未至而江路已絕賴有紳捐存義倉穀石九千有零動賑接濟而以精臺所存料豆麥麩并封收醬坊麩麥散賑窮民至是皆罄民間食米絡續告匱其略有存米日敷一餐者不過十之一二可食之物如藥品樹根野草浮萍牛筋鞋底之類無不罄盡餓莩載道慘不可言初八日中丞令移城上礮位至城外曾游戎得勝營中以城上開礮不對賊營將從平地擊之也初九日有賊目見林方伯請降約四鼓出隊舉火爲應至期我軍見海潮寺火起徑撲賊營入之賊由營外裏我軍遂薄城下開礮礮裂撫杭四營兵千餘人死拒賊始退中丞令仍移礮位上城是晚文鎮軍所部各營駐錢塘清波門外者降賊十三日有徐兆鰲者遣人通賊期以次夜開城矣中丞得之寸磔以徇十四日取小雲棲放生六畜并各憲坐馬以享士廿二日分兵勇木耳人一兩自初十後兵勇稽查米名入民家攫衣物廿五日中午率親兵查街立斬數人始稍戢廿六日分兵勇鹽青果人五錢廿七日止城守卒約夜赴艮山門俟明衝出二鼓後紛紛下城禁之不可而黑暗中賊未及覺也廿八日黎明見無動靜方欲登城而下城外賊亦以

我軍潰出告遂自鳳山候潮清波三門入城城復陷
中丞見事不可爲還署封印及遺摺并致制軍函交
僕人從亂軍出而易朝服縊于寢張學使

錫庚

文鎮

軍

瑞

仁和吳夫令

保豐

死難莊都轉

煥文

率泉勇突

圍出爲賊所逼赴水死其餘文武各員其存其歿不

敢知矣十二月初一日滿城亦破滿人縱火自焚死

者萬計瑞將軍

昌

關副護

福

傑副護

純

皆自盡賊入

城後盡占民居丁壯悉被裹脇老弱婦女初十日盡

驅出城劫殺之慘未可言竟浙東自蕭山陷後廿九

日陷紹興十月初七日陷餘姚諸暨人何某者有衆

庚辛泣杭錄卷六

七

數千人名連蓬黨許大令

瑤光

請劄給一官使防義

烏至是爲賊鄉導十一月陷甯波遂踞一郡十二月

陷台州終辛酉歲浙中僅存者惟溫屬五縣衢湖二

孤城耳賊之圍省也號稱百萬而經戰之賊寥寥無

幾我軍挑戰怯不敢應但於各城外通途隘口深溝

固壘隔絕往來攻之則鎗礮雨下使不能近而於富

陽餘杭堅築數營以拒援師蓋逆料城中食盡必潰

也使更有數月之積豈遂能得志哉至當事者知食

之不足而不能預爲之備則天爲之也嗚呼慘矣

杜老飄零悲吟秋興庾郎顛頽感賦江南曾託斷

楮以械愁因寫家山之遺恨僕浙人也自年弱冠
作客諸侯效作賦於荊州原爲小人有母陋吹竿
於南郭敢云童子何知庚申春還自雲溪遂驚粵
寇幸池魚之漏網得完卵於覆巢鳥驚弓而猶託
危枝駒戀棧而未離故轍因就被垣之聘誤爲蓮
幕之安無何粵騎重來籌窮戰守嚴城旣裂計乏
生全倉卒辭家羈囚窮巷自城陷後余卽被擄閉
置一室監者禁人動息
聲色甚厲倖免脫夫深阱已鳥歎夫焚巢以計脫歸始
家旣被焚先曾
知家於廿八滿壁圖書悲成灰燼古歎所著傳信閣詩稟先大父諱善字扶雅所著
夜被焚矣
研經日記四書古義晉書校勘記兩晉疆域攷福

庚辛泣枕錄卷六

八

建通志列傳稟損齋文集先大母氏汪諱玠字孟
文所著古韻軒詩稟竹園書訣先君子諱錫字子
諒手著省圍詩文集等凡二十餘種及藏書五千
餘卷金石碑帖書畫數百種武進張阜文編修著
虞氏易十三種稟木俱燬於火全家骨肉痛哭分離家人因避火
出門未知所
往徧覓不得詢之隣人亦無知者因逢揮幟以驅人遂望空江而
問渡余以眷口失散傍徨道左適遇悍賊驅人出
開渡清泰門似有役使余出城後乘間得脫走小
四渡夜渡江堅冰插腳流血殷膚舟至蕭山前阻水沙
傷膝及踝血涔涔斷棘穿跟皴足成繭自蕭山至會
稽凡二百里
長行三日方遠其處寄身戚郤息未定之驚魂旣至會稽遇
留住寓中
喘息方定翹首家園穿將枯之淚眼迴憶高堂垂
暮中道奔馳致臨難以投荒痛生兒之何益依誰

託足舉念酸心

余脫歸後覺家眷不得而瓦礫中亦無形迹意已避火遠出惟慈親

年近六旬不堪勞苦投止何處而況智井枯泉疑消息杳然每念及此五中欲裂而況智井枯泉疑

作殷家之婦

內子在圍城中從容謂余曰設有不虞屋後井中我死處也余求眷口不

得如其言覓之則斷垣瓦礫填塞

重營雁影空慚

幾滿矣其存與歿尙不可知也

趙氏之昆

兩弟學績字笏傳學紹字衣傳與余同被擄去訂約同走初一日移禁別室竟

兩分手至今更憐幼子之牽衣畢竟潛身於何地

並無知者

大兒宗頤甫七歲遇何太酷幾成煢獨之身黯不成聲難訴淒皇之景心將灰而未燼腸片刻而幾

迴於是重踏榛蕪獨披荆棘誓求確耗偷越重關

幾番出險入艱未卜生離死別

客有自杭來者言湖墅難民甚眾余

庚辛泣杭錄卷六

於二月朔渡江越五六賊卡始達湖墅

尋覓八日仍不得全家音問重返越中欲逃虎穴

難割衷腸欲守免株又虞贖繳計兩端於方寸留

一綫以徐圖遂決航海之游

寓居賊境勢難久延使再遭鋒鏑則全家

絕望矣遂於二月二十重放渡江之楫

滬濱則全家絕少假寓八日渡江而北初寓東邑荒岑猿嘯旅

館蛩聲破釜能完夜夜離人之夢寒鐙弔影宵宵

孤客之愁爰撫兩載之見聞用代一時之談論事

從其實文不求工狀塗炭之情形人皆裂眚寫流

離於楮墨我欲呼天同治元年仲夏錢塘陳學繩

硯傳氏識於海陵旅舍

庚辛泣杭錄卷六

德安府知府

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷六終

庚辛泣杭錄卷七

大甯甯國府城其黃

咸豐八年三月僞翼王石達開率大股逆眾犯衢州

圍城九十餘日先武烈公任金衢嚴道兼督軍事既已激厲將士堅守苦戰使不得逞志而遁去矣越三年而有庚申之變當己未十月江南假浙闈鄉試應試諸生以及僕從由皖中來者眾且盈萬關隘莫能詰其時已有賊謀入杭偵我虛實十年正月江南軍克九泖洲金陵踞賊被圍甚急僞忠王李秀成僞侍王李世賢等從六合渡江集蕪湖謀擾浙以分官軍之力而緩金陵之圍土元甫過逆眾卽由南陵疾趨而東甯防總統湖南提督周公天受不能遏截旬日之間涇太平旌德甯國四縣皆被陷二月戊戌又陷廣德州浙西無關扃之阻而寇偪門庭矣先是徽甯各營皆仰藉浙餉歲濟三十餘萬金迨甯防有警又調浙軍數千馳往助勦周公頗存主客之見每一軍至檄令分駐數處兵分則力薄遇賊輒敗潰將士寒心逆焰益熾巡撫羅公遵殿乞援於徽防及金陵大營先武烈公時署鹽運使兼治文營務處因請并咨甯防周公酌留萬人守甯國府城其黃池灣汴萬餘

人調回浙省內顧而兩江總督何公桂清致書羅周
兩公責浙臨事張皇謂皖南爲兩江轄境宜各顧疆
圉所駐諸軍不得抽調廣德旣陷杭城惟有衢州鎮
總兵李公定太一軍二千餘人羅公亟令赴援四安
尋又改援安吉癸巳賊已由東亭湖陷安吉縣城李
公行至距縣三十里之梅溪不見一賊方率同將弁
相度營基皆徒手未攜寸鐵俄而賊大至四面包裹
驟難抵禦部將馬步青等十二人同時遇害李公躍
入水中爲潮勇救護得免卽退駐湖州戊申賊復由
四安陷長興庚戌犯湖州郡城直薄青銅橋會金陵
大營飭總兵曾秉忠統長龍礮船六十艘自太湖駛
至鳴鼓而進軍容甚壯急擊賊走之辛亥賊陷孝豐
壬子夜從間道襲武康癸丑經狗葬夜焚良渚杭城
尙未之知也四鼓先武烈公得密報立卽赴撫院叩
署門謁見商守禦事越翼日甲寅辰刻賊至武林門
前隊假冒官軍稱來自甯防將混入城統領寶勝軍
候選道陳炳元登城覘望知爲賊隊令速閉城乃不
得入蓋賊以是日爲觀音大士誕辰大吏必至天竺
進香欲邀戕之湖上乘勢奪城而未知故事於十八
日預祝也時城中祇有撫標兵二千餘寶勝軍千人

都司姚發科復勝勇五百復勝勇本止三百人守備
總統諸軍改歸姚發科又協防局團勇三百及吾弟
添募潮勇二百共五百人候選同知植禮傑勇二百此外則惟滿營駐防之人

城周三十六里有奇爲門十東曰清泰西曰湧金南
曰鳳山北曰武林東南曰候潮望江東北曰慶春長

山西南曰清波西北曰錢塘共四千九百餘堞堞廣

丈許前明九千八百三十三堞國朝順治十兵少

不敷分布城外又無軍立營適金陵大營從江兩募

勇二千人過杭卽留駐望江門外按察使段公光清

率布興有兄弟廣勇二百先已往餘杭守獨松關爲

庚辛泣杭錄卷七

三

賊所格乙卯仍回省城是日甯紹台道仲孫公懋亦

自甯波率興勇二百奉調來杭賊薄城下卽分撲武

林錢塘湧金清波各門於湖上列營十餘座並於城

外諸山結壘錯峙取淨慈寺羅漢像環壘執旂城上

疑爲賊擊之以礮不動羣賊旣踞山巔憑高俯瞰礮

子雨落守陴者頗洵懼丁巳賊又登玉皇山先武烈

公與段公酌撥守城之軍由候潮門出戰甯波之業

陷於杭者數千人以揮錫箔爲業皆甯波人鼓其氣血之勇請助

官軍擊賊因給以軍械令隨於後見賊輒驚潰官軍

戰數合以衆寡不敵亦徐徐收隊而歸庚申先武烈

公偕段公又督隊出候潮望江兩門接戰賊勢猛撲我軍奮力迎擊僅獲交綏皆以兵力過單之故先武烈公議堅守以待援師而各路之軍無一至者金陵大營遣廣西提督張玉良來援其前鋒副將向奎率千五百人於是月己酉已抵蘇州逗撓不卽進丁巳至平望取道海甯辛酉薄暮始抵杭州清泰門外張玉良率所部二千餘人於己未至蘇吳中大府意謂杭城且失不及援救欲令向奎駐嘉興張玉良駐湖州陰固蘇省門戶玉良之過常蘇大府皆飲之酒俾闕城置守而後行督辦皖南軍務副都御史張文毅

庚辛泣杭錄卷七

四

公芾遣總兵米興朝率三千人自徽州來援戊午至富陽怯不敢前縱兵劫掠鄉民聚眾圍殺傷亡數百人李公定大因梅溪之勦退駐湖州爲賊牽制亦不能迅速赴援杭城自被圍後大雨浹旬賊在清波門外之西竺庵開掘地道日夜擊金鼓以亂其聲先武烈公守清波門當賊衝露宿城上目不交睫督仁和令李福謙募丁壯治內壕并增築子牆雨甚工不得就又撥敢死士夜縋而出兩次進攻西竺庵賊穴牆列槍我軍逼近則眾槍齊發銳卒多死庵不得毀薰之以火亦以雨故弗能焚己未夜仲孫公懋手擲藥

包火反撲創甚歸臥寓中孤城岌岌危在旦夕而杭人方且與各軍爲仇日事修怨洩忿賊之始至大府下令飭復勝軍焚附郭民居則仇結愈深復勝軍募有潮勇二百皆廣東潮州人故名潮勇服飾奇異言語侏離遂譁言爲賊伺其入市卽羣聚而殺之口徑路隅以一二百計忽又譁言城外無一賊請毋庸閉城邵部郎懿辰亦屢爭無賊應啟城以定民志先武烈公曰如君言是開門揖盜誤盡蒼生矣懿辰大恚已而杭人知果有賊則又以官軍不能剋日擊退嘗當事者之畏縮有王道平者賣十杭城十餘年矣無何有人疑其

庚辛泣杭錄卷七

五

通賊謂已受僞職爲平道王擒送營務處請速殺之發其寓所囊裝絕無左證略待鞫訊觀者已嚮割其肉立盡連日恇擾喧闐借端尋釁理論不從勢禁不可將生內變先武烈公以爲大憂辛酉巡撫羅公集司道會議懸賞六千金令各軍挑選精銳約定五鼓力攻西竺庵期必蹋毀而後已是夜大雨如注竟不能出隊越翼日壬戌黎明雨稍止急傳隊伍地道猝發城崩十餘丈悍賊蟻附而上先武烈公遮截清波門各軍督令血戰而闔城守兵盡潰無後繼者乃大呼殺賊賊矛蝟集面受數十創項被斫幾斷猶屹立

洞胸裂腹並爲火器轟折右足始仆

清波門跨山爲城殉難處地名

雲居守備孫遇龍僕夫丁春漢同殉焉嗚呼痛哉方

賊之入城也不城居民且謂復勝軍在上城作亂益

爭殺復勝軍既又不問何軍皆殺之各軍逃死之不

暇故頃刻間城上無一兵一卒而省垣遂陷巡撫暨

各司道聞之亟詢左右曰繆某尚在否則以清波門

城上禦賊被戕告皆歎曰繆某已死大事去矣可若

何羅公卽自縊署布政使糧儲道王公友端卽仰藥

杭嘉湖道葉公塋挈第三子江蘇候補知縣祖豫投

於井署杭州知府馬昂霄絕井未死賊至鉤出加刃

庚辛泣杭錄卷七

焉先後均畢命署中署仁和知縣李福謙縊於吳山

城隍廟仲孫公懋火傷未愈在寓被害候補道許公

煥亦戕於城上陳炳元提殘卒巷戰死候補知縣馮

佩珩管領舳板礮船巡防嘉湖間賊撲湖州佩珩飛

書以告而湖州府縣無隻字具報巡撫羅公謂佩珩

妄言將逮治先武烈公請委員往覘之至中途則聞

湖州實已被圍見有他軍礮船潰退者以爲佩珩所

部也回告羅公羅公益怒甚趣提訊佩珩赴杭欲自

白日暮縋城入次日城陷亦死之都司鄔得勝攜數

十人由甯國馳回杭州行至淨慈寺爲賊所殺時滿

營未破將軍瑞昌公與副都統來存公佐領傑純公督旗兵堅守婦女亦持矛刺賊賊累日猛攻死傷枕藉危急萬分甲子張玉良行次湖州三月丙寅乘小舟以六百人至武林頭知省城已失遣從九品徐殿臣改裝入城密約將軍接應丁卯全軍抵武林門賊麇聚城中城外無賊故可長驅直入因令守備龔占鼇等率勇士由艮山門豎梯攀城斬守陣之賊奮呼而登滿營礮聲大震玉良督親軍繼進賊不料援師之驟至一無準備見張字大旂咸驚愕以爲副帥張國樑實來卽日棄城遁由湧金清波兩門走平審出

庚辛泣杭錄卷七

七

獨松關破臨安孝豐留賊踞城餘悉竄回廣德甯國壬申我軍克復臨安戊寅克復孝豐金陵大營續遣總兵熊天喜來援己卯會同曾秉忠礮船分水陸兩路攻克長興壬辰熊天喜又復廣德而浙境無賊蹤矣賊之犯杭也本不及萬人特以守兵寡弱圍攻八日而遽陷賊在城中六日恣意焚掠鹽運使署輒遭一炬遂成焦土民居亦多被焚官紳士女之死者六七萬人先武烈公殉難後是日午未之交賊盡趨下城乃乘間將遺骸從城上昇歸署中夜半又移至后市街賃宅於廳事後掘地數尺棺而埋之城旣復治

得備冠服成殮權厝龍井山趾閏三月王公有諭浙
統師入城己酉金陵大營兵潰兩江總督何公棄
常州遁走賊於是連陷常蘇浙省又攻破城隍邑靡
有甯日其時良將勁兵固已十倍於前而猶不能自
保其疆土辛酉十一月杭城且再陷於賊遂至全浙
淪胥是誰之咎歟抑亦劫數未盡歟按楊公昌濬平
浙紀略曰浙自聞警設防首尾十載殫土竭廬以事
人一借將金陵再借將福建三借將徽州江西迄無
解於十年二月之禍而金陵亦因兵少備分而燬師
卒乃收其敗將潰卒因循不振以迄於亡前湖北巡

庚辛泣杭錄卷七

八

撫胡文忠公疏云用兵數年各省皆有得力之將數
人以折衝禦侮於其間浙省之有與否臣不得而知
之是鄰封皆知借將之非也而且官與紳仇官與官
紳與紳亦仇民與軍仇民與民軍與軍亦仇乖氣致
戾莫之或救孟子曰天時不如地利地利不如人和
不其然乎又前閩浙總督今宮保大學士恪靖侯左
公宗棠疏云十年二月間杭州被圍變起倉卒維時
兵單而驚將驕而怯繆梓與前任撫臣羅遵殿殫心
區畫無補時艱此皆深悉致敗之由而持論最爲允
當者也德葵未諳兵略謬預戎行庚申之春方偕李

公定太出省先武烈公命暫留隨侍遽遭大變奔赴
清波門遇賊於途幸而獲免惟城亡不能效包胥之
哭父死弗克盡申鳴之孝苟生偷活以至今茲抱恨
終天痛心何極爰取當日之事一一筆之較諸傳聞
異詞者不無詳確至於辛酉之冬杭城再陷則已攜
家避亂海陵未嘗親在圍城所有戰守事宜及擾害
情形不敢贅一辭矣光緒己卯春三月德棻謹記於
西江臬署之存愛齋

庚辛泣杭錄卷七終

庚辛泣杭錄卷七

九

庚辛泣杭錄卷八

許奉恩轉徙餘生記

咸豐庚申人日抵杭州順訪葉季華司馬相見驩甚
會永嘉令望誤應推司馬攝篆因尼子曰新安亦非
樂土永嘉大好山水不佞權篆於此屈君司筆札爲
籌畫納賞縣尹亦甚易易奚必馳驅戎馬是時季華
住金衙莊章桐門相國故宅園林爲浙西冠予日涉
成趣重以司馬款畱新安之行遂不果有孝婦陳桂
靈者能詩工畫兼精鍼黹其夫游惰嗜博誘婦爲侶
以償博負婦不從因反日婦事姑孝以十指供甘旨

庚辛泣杭錄卷八

一

畫婦道鄰里稱之所居與司馬對門予嘗與司馬過
其家論詩品畫頗有見地遇有緩急司馬必曲濟之
倡和甚多以城陷散佚予園中題壁八首有句云迎
人橋背曲閱世樹心空婦擊節歎賞司馬與商園名
婦曰公桐城人居桐門相國園卽名之曰桐園如何
司馬稱善請予爲擘篋書題於其楣園有五色水芍
藥花朝日司馬就予小酌以餘滴酌花神祝其速放
忽蒼頭入報賊大股至湖州不日卽到此宜早爲計
衆嗤爲調語飲罷同至城隍山遇同里吳康甫貳尹
所言亦同十五日漸有遷避出城者十六日出城者

更多或謂司馬曰警報甚確君亦宜將媵屬過江葉
歎曰不能眾請其說曰自故鄉被兵族戚遠來相依
者多挈之偕往不能舍之獨往又不忍不如不遷之
爲得予肅然曰君言及此皇天后土實其鑒之吉人
天相可爲君券蓋君之族戚避兵來浙者十餘家皆
待君舉火也十七日諜報賊距杭數十里有司下令
閉城出示禁止居民出城十八日飯後聞傳賊已至
予與司馬上城隍山瞭望果見錢塘武林兩門外各
有賊旂數十計不過數百人十九二十兩日來者漸
多西湖邊亦有賊旗然統計不過千餘人自十八以

庚辛泣杭錄卷八

二

後無日不雨賊在城外焚燒民房晝夜不絕城中紳
民日登城隍山見賊數不多皆欲隨官兵出城攻擊
大府持重不許二十一日雨益大賊燒民房益甚火
光燭天黑夜人能自視掌紋連日紳民無如之何請
同官兵循環守城許之紳民慮官兵之或與賊通也
故有是請城門俱閉惟開候潮門通錢塘江餉道以
重兵二萬餘人守之城上軍屯聯絡夜間燈火輝煌
兵民輪流巡邏此上彼下彼上此下防範周密以爲
可保無虞矣二十五夜漏五下礮聲大震喧言鳳山
門陷紳民奮不顧身偕往救急拋滾木壘石幸賊來

無多公然擊退視城陷才數丈運甃石灰泥竟夜築成共相慶慰二十六日雨益大晚聞城外礮止火息耳目俱靜司馬謂予曰日來寢不安席嘻甚矣憊今夜大雨度賊不來吾等可安睡一宵矣司馬既去子挑燈孤坐中心忐忑遞數更籌不能就枕亡何譙樓鼓絕窗紙漸白方欲解衣突聞礮聲不絕殆城破矣司馬宅距城垣半里許園中假山最高啟戶張蓋躡其巔見城上各營兵已起浙米河干瞥見一人朱衣狐裘乘白馬而來似曰起起賊已破城速往攻聽之不甚了了軍士皆荷戈隨之向西而去不瞬息聞軍

庚辛泣杭錄卷八

三

士返奔紛紛棄械縋城遁予往叩司馬寢門呼司馬司馬披衣出告以狀曰柰何予曰君前日賃比鄰民間小屋可暫避司馬問予焉往予曰君有媿屬難以偕行予命聽天萬一得出再圖後會揮淚而別檢舊作各種草稿都爲一束將出門有司馬族子二人其戚方君西席左君二人同來乞予攜帶正苦無伴遂與四人堅約跬步勿離雨仍未已途中貧富男女扶老攜幼蹉跌啼號不可言狀私計人多當是孔道從之疾行抵艮山門大街剛至半途則見一綠帷官輿其杠已折十餘人四圍以手舁之行後隨兵弁數百

人皆受創血流被體意是督兵大吏潰而奔必有賊
遂北在後逢一衛急招四人同入則方左二人尙存
兩葉已落後被害矣出衛則空曠之地可數十畝其
右小屋鱗比約數百戶未一戶編柴爲牆障席爲門
半掩未闔急與二人推門入傍有麻索纒而鍵之歛
見一男子踞臥牆角敗草中低聲以嘶問之爲府署
庖丁賊以矛穿其腹血濡韞搖手令勿聲迺徇身蹲
地自牆隙外窺口默誦大悲咒求佛庇但聞羣賊噪
呼殺妖其聲慘暴未幾賊亦由衛至此遇逃難者以
刀迫索財物有財則生無財則一刀了之且淫汚婦

庚辛泣杭錄卷八

四

女大雨如注悍然不顧約半時許舍此他往予賴席
門遮蔽獲免賊去房主人出鬣鬣有髭遠前問子邦
族作何生業予答以徽人向在清河坊業茶肆其人
麾令去予請僦一榻之地不許倏有數鄰人至一人
曰此番兵民輪守防範甚嚴賊來不多破城甚易非
有內姦不能入一人曰誠然頃見裹紅巾賊實係營
勇前且市我家帛數匹製旗幟今又裹巾句結何疑
予獻計曰君言不謬某本皖人熟知賊情賊本無伎
倆全恃句結內姦賊來不過千人今公然破城虜劫
財物不少如能號召數千人頃刻可將所劫者奪回

緣此閒機房同爲甯波人素蓄利聞予言曰善蓋共謀之乃鳴鉦爲號頃刻集數千人持兵刃追賊賊本無多見衆來追疑大兵從天而降賊懼狂奔棄物於地自相殘踏死者不少機房之衆各有所得而歸房主人又來逐予予以勸其追賊獲利不爲無功主人曰吾等已約不得畱異鄉人今夜按戶搜查如搜出無論良莠殺不貸宜速去予欲歸金衙莊不識路乃乞主人爲覺一人作嚮導予番銀四餅行里許至一曲巷一家故與導者相識問將何往以金衙莊對其人曰止此去金衙莊五里頃有人來言一路居民稽查嚴密凡異鄉人概不許往來予觀是人年約二十餘語言伉爽便前與揖問其姓爲施亦杭人之業機房者請就屋暫避施問予對如前睇視良久乃首肯導者索銀徑去施出鍵戶反身予曰相君面非市井中人幸質言無隱予以實告施笑曰旣以實告不得不冒昧上陳小子業機一家三十餘口今罷市食用無所措當仰給於公子乃探懷出囊中物列几上曰番銀百餅頃用其四餘此敬以爲壽賊踞此久暫難以逆料只此寥寥聽君部署施曰公眞磊落人也平日飽飫官廚何能遽甘淡泊今旣有資當市越

釀與金華腊脯以佐饗殮何如子笑謝之乃於寢室樓上爲安二榻樓子三人并戒之曰如有來盤詰者請勿言容某代爲言之子三人居樓上自窗隙外窺見賊紛紛挨戶搜妖搜過者予以號牌黏於門外越日四賊至施家徧按各屋至寢室聞一賊問施曰樓上有妖否施笑曰此乃臥室樓上匪人豈不爲人所鄙如不信請登樓覘之一賊訶曰旣已安民焉得闖入姊妹臥室賴此一言而免賊遂去施曰已給印牌可無患矣初賊圍杭城將軍瑞公屢請出戰諸大吏持重不許瑞公乃與副都統來公謀守駐防滿城

庚辛泣杭錄卷八

六

二公皆能軍故外城破而滿城獨無恙賊日來攻二公命偃旗息鼓女牆多備矢石架巨礮以禦之夜則不燃燈燭於濠邊暗掣鈴索聞鈴響則矢石與礮俱發相持數日殲賊無算賊後脅居民往攻咸謂徒手不可與戰願假軍械同往賊以機匠糾衆奪所劫財物其人皆剽悍狡獪若與軍械反爲所制不欲使戰俾守館舍供炊爨饜賊戰歸則館舍闕無一人已盡掠所有而遁大怒願以市井游民誅不勝誅益慮越人叵測乃於二十九日出僞示遣機匠等卽夕由太平門出城蓋防其爲變也施喜告子謂出城十里卽有

姻婭可依予趣具晚餐漏初下卽行予尙披狐裘欲
易一敝縕袍不可得左爲挾茵褥方爲持書冊同行
者三十餘衆是夜雨止賊焚城外屋照耀如白晝易
行惟街衢尸積如山所見者凡三必須越尸而過旣
至太平門門以內尸盡滿無隙罅相與移尸僂僂彳
亍乃得出方城陷時已判一死庸詎知今夕之竟脫
網羅耶緣江隄行平明甫抵施某姻婭家茅屋厓一
榻予三人棲之施則挈捲屬賃屋以居予欲渡江則
彼岸有乘閒攘劫者終日遣人偵探城中消息三月
三日味爽施叩門呼曰張壁田軍門已督師克復杭
州矣予披衣急起飯罷則聞道路欣欣相告曰賊遠
遁矣軍門洞開城門招居民還家初四日子三人別
施還金衙莊司馬已先歸互相慶慰司馬憂予難免
於難方其歸也使人探訪或謂屋後井邊有衣狐裘
著鞞者司馬歎曰是殆許君往驗之其髯如磔乃知
非予予問司馬遇賊也未曰幸從君言暫避小屋一
日有賊闖然入又一賊擊其袂讓之曰如此湫隘入
奚爲掉頭皆去予賀曰曩言天相信然矣越日施歸
訪予還所餘銀二十餅予卽以贈之杭州之陷賊殺
人十二萬有奇河水爲赤金衙莊前後左右零骸斷

骼狼籍於地予請司馬捐貲掩埋孝婦陳桂靈於賊
來時屬其夫奉姑遠避自與一媪居守賊至欲強污
之婦罵賊死克復後媪覺其夫不得尸無人殮司馬
拉予往觀面目如生司馬爲市棺以殮此婦孝烈可
風未審採入忠義錄否賊初至需次之官與幕客強
半遠遁克復後將羅而致之或有以司馬與予薦於
張軍門者重幣招之子商於司馬司馬曰行險徼倖
可一而不可再此番賊少城大爲日無多吾儕獲免
設再有不虞其能保乎君試思之吾亦從此逝矣予
聽其言決計往新安矣

庚辛泣杭錄卷八

八

庚辛泣杭錄卷八終



